

ҚОНУНЛАР ИЖРОСИ УСТИДАН ПРОКУРОР НАЗОРАТИНИ ТАШКИЛ ЭТИШ**Нигора Гайрат қызы Хушбокова**

Термиз давлат университети Юридик факультети

Юриспруденция таълим йўналиши 4-босқич талабаси

АННОТАЦИЯ

Ушбу мақолада қонунлар ижроси устидан прокурор текширувлари, уларнинг ўзига хос жиҳатлари ҳамда ушбу текширувларни ўтказиш асослари, прокурор қонунларнинг ижро этилиши устидан назоратни амалга ошириш жараёнидаги ваколатлари, Ўзбекистон Республикаси Президентининг ва Баш прокурорининг қонунлар ижросини таъминлаш юзасидан қабул қилган қарорлари қиёсий-хуқуқий таҳлил қилинган.

Калит сўзлар: прокурор назорати, назорат предмети, текширув асослари, тармоқ иш режалари, раҳбарият кўрсатмалари, ҳайъат қарорлари, жисмоний ва юридик шахсларнинг мурожаатлари, оммавий ахборот воситалари хабарлари, умумлаштирилган таҳлилий маълумотнома, қонунлар ижроси, мурожаат, профилактика, хуқуқбузарлик.

“...прокуратура фаолиятини ислоҳ қилиши, уни собиқ тузум даврида бўлганидек партиявий элита қўлидаги жазолаш қуроли эмас, балки қонунларнинг қатъий ижро этилишини, мамлакатимизда демократик ислоҳотларнинг изчил ривожланишини, инсон ҳуқуқ ва эркинликларини ишончи ҳимоя қилиншишини таъминлайдиган органга айлантириши бўйича салмоқли ишлар қилинди”¹

Мустақиллик йилларида суд ва хуқуқни муҳофаза қилувчи органлар фаолиятида Конституция ва қонун устуворлигини таъминлаш, уларнинг инсон хуқуқ ва эркинликларини таъминлаш функциясини кучайтириш борасида жиддий ишлар амалга оширилди.

Юртимизда амалга оширилаётган кенг қўламли ислоҳотларнинг самараси, тинчлик ва тараққиётнинг асосий гарови ҳам Конституция ва қонун устуворлигини таъминлаш билан бевосита боғлиқdir. Шунинг учун ҳам ҳаётимизнинг барча соҳа ва тармоқларида меҳнат қилаётган инсонлар, биринчи навбатда, раҳбар ходимлар, фуқароларнинг Конституция ва қонунларни пухта билиши, уларнинг ижросини тўғри ташкил этиши, бу

¹ <https://arxiv.uz/uz/documents/referatlar/huquqshunoslik/qonunlar-ijrosi-ustidan-prokuror-nazorati>

қоидаларга бутун жамият аъзолари қатъий амал қилиши шарт бўлган муҳитни яратиш ғоят муҳим ва долзарб вазифага айланмоқда.

Конституция ва қонун устуворлигини, давлат органлари ҳужжатлари, мансабдор шахсларнинг хатти-харакатлари қонунларга тўлиқ мувофиқ бўлишини таъминлаш, қонунлар ижросини самарали ташкил этиш борасида Прокуратура органининг хиссаси кенг.

Қонунни тўғри татбиқ этиш дейилгандা, аввало, қонунбузарлик ҳамда қонунга риоя қилмаслик ҳолларини тез ва тўла очиш, ҳар қандай қонунбузарнинг жавобгарликка тортилиши муқаррарлигини таъминлаш тушунилади. Ҳар бир жиноят содир этган шахс, у ўз қилмишини яширишга қанчалик уринмасин, фош этилишига, айни вақтда, айби бўлмаган ҳеч бир шахс ноҳақ жавобгарликка тортилмаслигига эришиш - одил судловнинг туб кафолатидир.

Жиноий-хуқукий соҳани либераллаштириш борасида амалга оширилаётган ишларда прокуратура органлари салмоқли ўрин тутади. Қонунларни ижро этилиши устидан назоратни амалга оширишда прокурорларнинг вазифалари республика худудида қонун устиворлигини таъминлаш, инсон ва фуқароларнинг ижтимоий, иқтисодий, сиёсий, шахсий хуқуклари ҳамда эркинликлари, барча миллат ва элатларнинг тенг хуқуқлилигини таъминлашдан иборат.

Шунингдек, жамиятда ижтимоий адолат ва қонунийликни мустаҳкамлаш, Ўзбекистон Республикаси конституциявий тузумини, жамият ва давлатнинг қонун билан қўриқланадиган манфаатларини ҳимоя қилиш ва давлат ҳокимияти, бошқарув органлари ҳамда мансабдор шахслар томонидан чиқарилган хуқукий актларнинг Конституция ва бошқа қонунларга, шунингдек, Президент Фармонлари, Қарорлари ва Вазирлар Махкамасининг қарорларига мос эканлигини текширишдан иборатdir².

Прокурор назорати, бу – Ўзбекистон Республикаси номидан, унинг худудида Ўзбекистон Республикаси Конституцияси ва бошқа қонунларининг аниқ ва бир хилда бажарилиши устидан назоратни амалга оширувчи прокуратура органларининг давлат органи сифатидаги маҳсус фаолиятидир.

Прокурор назорати давлат фаолиятининг мустақил, ўзига хос тури ҳисобланади. Ушбу фаолиятни прокуратура органларидан бошқа ҳеч бир давлат идораси, ташкилоти, жамоат ташкилотлари, ёинки, бошқа хуқуқни муҳофаза қилувчи органлари, шунингдек,

² <https://proacademy.uz/postfiles/books/mq/rc/index.html>

мансабдор ёки жисмоний шахслари амалга ошира олмайдилар. Прокурор назоратининг мустақиллиги ҳар қандай давлат ташкилоти, сиёсий ташкилот ёки жамоат ташкилотларидан ҳоли тарзда, фақатгина қонун билан белгиланган ваколатлари доирасида Ўзбекистон Республикаси Конституцияси ва бошқа қонунлари ва қонун ости хужжатлари талабларига назорат объектлари томонидан риоя қилиниши, қонунларнинг аниқ ва бир хилда бажарилиши устидан назоратнинг амалга оширилишида ҳам ифодаланади.

Прокуратура органлари давлат бошқаруви соҳасида қонунлар ижроси устидан назоратни амалга ошира бориб, жамият ва давлат олдида турган фуқаролар эҳтиёжларини қондириш, уларнинг моддий таъминотини яхшилаш, фуқароларнинг қонуний манфаатларини таъминлаш каби вазифаларнинг бажарилишига шароит яратадилар. Бошқача қилиб айтганда, прокурор умумий назорат соҳасида ўз ваколатларини амалга ошира бориб, бошқа орган ва ташкилотлар билан биргалиқда сиёсий, давлат, иқтисодий, ижтимоий, миллий ва маданий қурилиш масалаларини ҳал қиласадилар.

Умумий маънода, прокурорларнинг умумий назорат бўйича фаолиятининг предмети Ўзбекистон Республикаси худудида амал қилаётган қонунларнинг аниқ ва бир хилда ижро этилиши устидан назоратдир.

Назорат предмети борасида бир муҳим ўзгаришни кўрсатиб ўтиш керак. **1992-йил 9-декабрьда** қабул қилинган Ўзбекистон Республикасининг “**Прокуратура тўғрисида**”ги Қонунидан фарқли равишда **2001-йил 29-августда** қабул қилинган янги таҳrirдаги Ўзбекистон Республикасининг “**Прокуратура тўғрисида**”ги Қонунида “**фуқароларнинг қонунларга риоя этишилари**” устидан назорат қўзда тутилмаган. Яъни, прокуратура органлари фуқароларни таъқиб-тазийқ остига оловчи орган сифатида эмас, балки уларнинг хукуқлари ва қонуний манфаатларини ҳимоя қилувчи орган сифатида жамиятда ролини ошириш асосий мақсад қилиб қўйилган.

Ўзбекистон Республикаси “**Прокуратура тўғрисида**”³ги Қонунининг “**Прокурор назорати**” деб номланган учинчи бўлимида таъкидланишича, вазирликлар, давлат қўмиталари, идоралар, фуқароларнинг ўзини ўзи бошқариш органлари, жамоат бирлашмалари, корхоналар, муассасалар, ташкилотлар ҳамда вазирликлар, давлат қўмиталари ва идораларининг ҳарбий қисмлари, ҳарбий тузилмалари, ҳокимлар ва бошқа мансабдор шахслар томонидан қонунларнинг ижро этилиши, шунингдек улар томонидан

³Ўзбекистон Республикасининг “Прокуратура тўғрисида”ги Қонуни.
Тошкент ш, 2001-йил 29-август, 257-II-сон.

<https://lex.uz/docs/106197>

қабул қилинаётган хужжатларнинг Ўзбекистон Республикасининг Конституцияси ва қонунларига мувофиқлиги назорат предмети хисобланади.

Қонунлар ижросини текшириш қонунларнинг бузилаётганилиги тўғрисидаги аризалар ва бошқа маълумотлар асосида, шунингдек қонунийлик прокурор томонидан чоралар кўрилишини талаб қиладиган ҳолатда эканлигидан келиб чиқсан ҳолда қонунда белгиланган тартибда ўтказилади.

Прокурор жиноятчиликка қарши курашни амалга оширувчи органлар томонидан қонунларнинг ижро қилиниши устидан ҳам назорат ўрнатади. Бунда жиноятлар тўғрисидаги аризалар ва хабарларни кўриб чиқиш ҳамда ҳал қилиш ва терговни олиб боришининг қонун хужжатларида белгиланган процессуал тартиби, қабул қилинаётган қарорларнинг қонунийлиги, шунингдек, жиноятчиликка қарши курашга қаратилган бошқа қонунларнинг бажарилиши назорат предмети бўлади.

Прокурор қонунларнинг ижро этилиши устидан назоратни амалга ошириш жараёнида ўз ваколатлари доирасида:

✓ *вазирликлар, давлат қўмиталари, идораларнинг, корхоналар, муассасалар, ташкилотларнинг, ҳарбий қисмларнинг ҳудуди ва хоналарига монеликсиз кишишга, хужжатлар ва материалларни кўришга, текширишлар ўтказишга, текшириши учун қарорлар, фармойишилар, буйруқлар ва бошқа хужжатларни, қонунийликнинг ҳолати тўғрисидаги ва уни таъминлашга доир чора-тадбирлар ҳақидаги маълумотларни талаоб қилишга;*

✓ *давлат органлари, ҳарбий қисмлар, вазирликлар, давлат қўмиталари ва идораларининг ҳарбий тузилмалари раҳбарлари ва бошқа мансабдор шахсларидан улар тасарруфидаги корхоналар, муассасалар, ташкилотлар фаолиятини текшириш, тафтиши ўтказишни, идоравий ва ноидоравий текширишлар ўтказиш учун мутахассислар ажратишни талаоб қилишга;*

✓ *mansabдор шахслар ва фуқаролардан қонун бузилиши хусусида оғзаки ёки ёзма тушунтиришилар талаоб қилишга ҳақлидир.*

Қонунлар ижроси устидан назоратни амалга ошириш учун кенг кўламли вазифалар белгилаб олиш ва унинг ижросини самарали ташкил қилиш зарур, бунинг учун алоҳида механизм шакллантириш лозим.

Ҳар битта қонунинг ижросини назорати юзасидан шу механизм орқали амалга ошириш зарур, яъни:

- қонун хужжатлари ижросининг ягона амалиётини жорий этиш;

- хуқуқни қўллаш амалиётининг қонун хужжатларини қабул қилиш мақсадларига мувофиқлигини органиш;
- ижтимоий муносабатларни хуқуқий тартибга солишининг толиқлигини тамиллаш;
- қонун хужжатларининг Ўзбекистон Республикаси қонунлари ва халқаро мажбуриятларига мувофиқлигини тамиллаш;
- қонун хужжатларидағи қарама-қаршиликлар, зиддиятлар, коррупцияга оид омиллар, бир-бирини тақрорловчи ва коллизион нормаларни аниқлаш ва бартараф этиш.

Қонунлар ижроси юзасидан текширишлар, асосан, тегишли мутахассисларни жалб қилган ҳолда ўтказилади. Текширишнинг йўналишидан қатъй назар, бу обьектда қабул қилинаётган хуқуқий хужжатларнинг Ўзбекистон Республикаси Конституцияси ва қонунларига мувофиқлиги, шунингдек, фуқаролар ва юридик шахслар мурожаатларининг ҳал қилиниши ҳамда хуқуқий хизмат ишининг самарадорлигини ўрганишга комплекс ёндашиб талаб қилинади.

Текширишлар назорат қилувчи раҳбар томонидан тасдиқланган режа асосида ўтказилиб, белгиланган муддатда якунланиши, текширишга масъул бўлган ходим шу вақт мобайнида мутасадди мансабдор шахслардан қонун бузилишига сабаб бўлган ҳолатлар бўйича батафсил тушунтиришлар олиб, барча хужжатларни жамлаб, натижаси ҳақида назорат қилувчи раҳбарга маълум қилиши ва прокурор назорати хужжатлари лойихаларини тайёрлаши лозим. Текширишга бир неча ходим ижро сифатида жалб этилганда, рўйхатда биринчи кўрсатилган шахс ижро учун **асосий масъул** ҳисобланади.

Текширишда иштирок этган ходимлар текширилган обьект муқаддам назорат идоралари томонидан ўтказилган текшириш натижаларига хуқуқий баҳо беришлари ва натижаси бўйича тавсия киритишлари зарур.

Текшириш натижалари бўйича **15 варакдан** кам бўлмаган, **умумлаштирилган таҳлилий маълумотнома** тузилади ва текширишга масъул бўлган прокуратура ходими, жалб қилинган тегишли мутахассислар, текширилган обьектнинг мансабдор ёки молга жавобгар шахслари томонидан имзоланади. Маълумотномага илова қилинаётган бошқа хужжатлар ушбу хужжатларни тузган, шунингдек, текширилган обьектнинг мансабдор ёки молга жавобгар шахслари томонидан имзоланади.

Прокурорлар давлатдаги қонунийлик ҳолатида бевосита акс этаётган устувор йўналишларни танлаб олишлари лозим деб баҳолайдилар.

Хусусан, *И.Басковнинг* фикри бўйича бу йўналишлар сони 9 тани, *А.Давлетовнинг* фикри бўйича 11 тани, амалиётчи мутахассис *А.Мелниковнинг* фикри бўйича 5 тани ташкил этади.

Бундан ташқари, Ўзбекистон Республикаси Президентининг 2019-йил 13-декабрь куни қабул қилинган “Конституция ва қонун устуворлигини таъминлаш, бу борада жамоатчилик назоратини кучайтириш ҳамда жамиятда хукукий маданиятни юксалтириш бўйича қўшимча чора-тадбирлар тўғрисида”⁴ги Қарорининг 4-бандида Қонунлар ижросини таъминлашнинг самарадорлигини ошириш юзасидан аниқ мақсадлар белгиланган.

Жумладан:

а) Ўзбекистон Республикаси Олий Мажлиси Қонунчилик палатаси ва Сенатига қонун хужжатларининг ижро этилиши ҳолати ва хукуқни қўллаш амалиётини ўрганиш ҳамда қонуности хужжатларининг қабул қилинишини мониторинг қилиб бориш, қабул қилинган қонунларни ахоли ўртасида кенг тарғиб қилиш ишларини такомиллаштириш ва кучайтириш;

б) Ўзбекистон Республикаси Олий судига жисмоний ва юридик шахсларнинг хукуқ ва қонуний манфаатларини суд йўли билан ҳимоя қилишда қонунларнинг бир хил ва тўғри қўлланилиши ҳолатларини ўрганиш юзасидан суд амалиётини ҳар чоракда умумлаштириб бориш, заруратга кўра тегишли Пленум қарорларини қабул қилиш;

в) Ўзбекистон Республикаси Вазирлар Маҳкамаси қонунлар ижросининг мақсадли ва комплекс ўрганилишини ҳамда унинг натижаларини режа асосида ҳар чоракда Вазирлар Маҳкамаси Раёсати мажлисларида муҳокама қилиб борилишини таъминлаш белгиланган.

Ўзбекистон Республикаси Бош прокурорининг 2017-йил 5-декабрдаги “Ишларни ташкиллаштириш, ижро интизомини янада мустаҳкамлаш ва таҳлилий фаолият самарадорлигини ошириш тўғрисида”⁴ги 172-сонли буйруғи билан тасдиқланган намунавий регламентда прокурор текширувларини ўtkазишининг қатъий асослари белгилаб қўйилган.

Унга мувофиқ, қўйидаги асослар бўлганда қонунлар ижроси бўйича прокурор текширувлари ўtkазилиши мумкин:

Таркибий тармоқлар иш режалари;

Ҳайъат қарорлари;

Раҳбарият кўрсатмалари;

Жисмоний ва юридик шахсларнинг мурожсаатлари;

⁴Ўзбекистон Республикаси Президентининг “Конституция ва қонун устуворлигини таъминлаш, бу борада жамоатчилик назоратини кучайтириш ҳамда жамиятда хукукий маданиятни юксалтириш бўйича қўшимча чора-тадбирлар тўғрисида”⁴ги Қарори. Тошкент ш, 2019-йил 13-декабрь, ПҚ-4551-сон.
<https://lex.uz/docs/4647329>

**Қонунбузилиши ҳақидағи маълумотлар;
Оммавий-ахборот воситаларининг хабарлари.**

Юқорида келтирилган прокурор текширувларини ўтказиш асосларининг мазмунини тушуниб олиш учун уларнинг ҳар бирiga қисқача тўхталиб ўтамиз.

Таркибий тармоқ иш режалари.

Ўзбекистон Республикаси Бош прокурорининг “Ишларни ташкиллаштириш, ижро интизомини янада мустаҳкамлаш ва таҳлилий фаолият самарадорлигини ошириш тўғрисида”ги буйруғи билан тасдиқланган **Намунавий Регламент** талабига асосан, Бош прокуратура иш режалари қонунийлик аҳволи жиноятчилик таҳлили асосида ҳар **олти ойга** мўлжалланган ҳолда тузилади.

Бош прокуратура иш режасининг лойиҳаси ташкилий-назорат ва таҳлилот бошқармаси томонидан таркибий тармоқлар, Департамент ва Бюронинг таклифлари асосида тайёрланади. Иш режаларга таклифлар Бош прокурор ўринбосарлари билан келишилган ва асослантирилган бўлиши унда тадбирлар ижросига масъул ва иштирок этиши лозим бўлган таркибий тармоқлар, тадбирнинг ижро муддати, натижасини амалга ошириш шакллари ва бошқа зарур маълумотлар кўрсатилиши лозим.

Ҳайъат қарорлари. Ўзбекистон Республикаси “Прокуратура тўғрисида”ти Қонуннинг 19-моддасига мувофиқ, Ўзбекистон Республикаси Бош прокуратурасида Ўзбекистон Республикаси Бош прокурори (раис), унинг биринчи ўринбосари, ўринбосарлари, Қорақалпоғистон Республикаси прокурори, прокуратура органларининг бошқа ходимларидан иборат таркибда ҳайъат тузилади. Ҳайъатнинг таркиби Ўзбекистон Республикаси Президенти томонидан тасдиқланади.

Ўзбекистон Республикаси Бош прокуратурасида, Қорақалпоғистон Республикаси прокуратурасида, вилоятлар, Тошкент шаҳар прокуратураларида ва уларга тенглаштирилган прокуратураларда тузиладиган ҳайъатлар маслаҳат органлари бўлиб, улар қонунийлик ва жиноятчиликнинг ҳолатига, прокуратура органларининг фаолиятига, Ўзбекистон Республикаси Бош прокурори буйруқлари ва кўрсатмаларининг ижросига, кадрларни танлаш, жой-жойига қўйишга доир ва бошқа масалаларни кўриб чиқади, прокурорларнинг, прокуратура органлари тузилмавий бўлинмалари раҳбарларининг ва бошқа ходимларининг хисоботларини эшитади.

Ўзбекистон Республикаси Бош прокурорининг тегишли буйруғи билан тасдиқланган Намунавий Регламентнинг 20.8-бандига асосан, ҳайъат қарори лойиҳасида кўрилаётган масала бўйича таҳлил, асосий хulosалар, аниқланган қонунбузилиши

ҳолатлари ва камчиликларни бартараф этиш, хукуқни қўллаш амалиёти ва прокуратура органлари фаолиятини такомиллаштиришга қаратилган таклифлар акс эттирилади.

Мазкур регламентнинг 20.15-бандига мувофиқ, ҳайъат мухокамаси якуни бўйича ҳайъат аъзолари томонидан ҳайъат қарори лойиҳасига фикр билдирилади. Кўриб чиқилаётган масала юзасидан ҳайъат қарори кўпчилик овози билан, якуний қарор эса тегишли ҳайъат мажлисида раислик қилувчи томонидан қабул қилинади. Зарур ҳолларда ҳайъат қарорига мувофиқ ташкилий-бошқарув йўналишидаги хужжатлар тайёрланади ва Бosh прокуратура раҳбариятига имзолаш учун тақдим этилади. Шунингдек, регламентнинг 20.18-бандига биноан, ҳайъат қароридан келиб чиқадиган вазифалар тезкор йиғилишларда мухокама қилиниб, натижасига кўра, ходимларнинг вазифалари белгиланади, зарур ҳолларда, тегишли чора-тадбирлар Дастури ишлаб чиқилади ва ижроси устидан назорат таъминланади. Демак, ҳайъат қарори асосида прокурор текширувлари ўтказилганда ҳам, унинг ижроси устидан юқори турувчи прокуратура томонидан назорат таъминланади. Жумладан, ҳайъат мажлиси қарори ва шу асосда қабул қилинган ташкилий-бошқарув йўналишидаги хужжатларни белгиланган муддатда, тўлиқ ва сифатли ижро этиш юзасидан масъулият Бosh прокурорнинг соҳавий ўринбосарлари, таркибий тармоқлар, Департамент бошлиqlари ва Бюро директори, вилоят прокурорлари зиммасига юклатилади.

Раҳбарият кўрсатмалари. Бosh прокуратурада хизматда фойдаланиладиган хужжатлар, қоида тариқасида, куйидаги турларга бўлинади:

- ташкилий-бошқарув йўналишидаги ҳужжатлар;
- ижроси барча прокуратура, Департамент ва Бюро органлари учун умуммажбурий бўлган ҳужжатлар;
- ахборот-услубий ва таҳлилий хусусиятидаги ҳужжатлар;
- ёзишима ҳужжатлар.

Ташкилий-бошқарув йўналишидаги хужжатлар тоифасига:

- Бosh прокурорнинг буйруқ, кўрсатма ва фармойишлари;
- Бosh прокурорнинг буйруғи билан тасдиқланган регламент, низомлар, йўриқномалар, тартиблар, вақтинча тартиблар, касб одобномаси, прокуратура органлари олдига қўйилган асосий вазифа ва функцияларни амалга ошириш тартибини белгиловчи бошқа хужжатлар;
- хукуқни муҳофаза қилувчи, назорат ва бошқа давлат органлари билан биргаликда ишлаб чиқилган қўшма буйруқ, фармойиш, кўрсатма ва бошқа хужжатлар киритилади.

Бундан ташқари, **ижроси барча прокуратура органлари учун умуммажбурий бўлган хужжатлар тоифасига** Бош прокурор ёки унинг ўринбосарлари томонидан имзоланган муайян масала бўйича аниқ талаблар қўйилган, бажариш шакли ва ахборот бериш муддати қайд қилинганд топшириқ ёки кўрсатма ҳам киради.

Демак, юқоридагиларга асосланган ҳолда айтиш мумкини, прокурор текширувани ўтказишга асос бўладиган раҳбарият кўрсатмалари ташкилий-бошқарув йўналишидаги хужжат ёки умуммажбурий бўлган хужжат сифатида қабул қилинади.

Жисмоний ва юридик шахсларнинг мурожаатлари. Ўзбекистон Республикаси Бош прокурорининг буйргуи билан тасдиқланган “Жисмоний ва юридик шахсларнинг мурожаатларини кўриб чиқиши ва уларнинг шахсий қабулини ташкил этиши тартиби тўғрисида”ти Йўриқноманинг 1.3-бандига кўра, мурожаат жисмоний ва юридик шахсларнинг оғзаки, ёзма ёхуд электрон шаклда баён этилган индивидуал ёки жамоавий аризаси, таклифи ёки шикояти ҳисобланади.

Ўзбекистон Республикасининг 2017-йил 11-сентабрдаги ЎРҚ-445-сонли “Жисмоний ва юридик шахсларнинг мурожаатлари тўғрисида”⁵ги Конуни 5-моддасига кўра, аризалар, таклифлар ва шикоятлар мурожаатларнинг турлари ҳисобланади. Шунингдек, мурожаатлар оғзаки, ёзма ёхуд электрон шаклда бўлиши мумкин эканлиги қайд этилган.

Қонунбузилиши ҳақидаги маълумотлар. Мансабдор шахслар, фуқаролар, корхона, муассаса ёки ташкилотларнинг ёзма, расм, аудио, видео ёки бошқа кўринишдаги, қонунбузилиши ҳолатлари тўғрисида муайян фактик ҳолатларни тасдиқловчи асослар қонунбузилиши ҳақидаги маълумотлар ҳисобланиши мумкин.

Оммавий-ахборот воситаларининг хабарлари. Ўзбекистон Республикасининг 2007-йил 15-январдаги ЎРҚ-78-сонли “Оммавий ахборот воситалари тўғрисида”⁶ги Конуни 4-моддасига асосан, оммавий ахборотни даврий тарқатишнинг доимий номга эга бўлган ҳамда босма тарзда (газеталар, журналлар, ахборотномалар, бюллетенлар ва бошқалар) ва (ёки) электрон тарзда (телерадио, видео, кинохроникал дастурлар, Интернет жаҳон ахборот тармоғидаги веб-сайтлар) **олти ойда камида бир марта** нашр этиладиган ёки эфирга бериладиган, қонунчиликда белгиланган тартибда рўйхатга олинган шакли ҳамда оммавий ахборотни даврий тарқатишнинг бошқа шакллари оммавий ахборот

⁵ Ўзбекистон Республикасининг “Жисмоний ва юридик шахсларнинг мурожаатлари тўғрисида”ти Конуни. Тошкент ш, 2017-йил 11-сентябр, ЎРҚ-445-сон.

<https://lex.uz/docs/-3336169>

⁶Ўзбекистон Республикасининг “Оммавий ахборот воситалари тўғрисида”ти Конуни. Тошкент ш, 2007-йил 15-январ, ЎРҚ-78-сон.

<https://lex.uz/docs/1106870>

воситасидир. Мазкур воситалар томонидан қонунларнинг аниқ ва бир хилда ижро этилиши бузилганлиги ва (ёки) бузилаётганлиги тўғрисидаги прокурор текширувини ўтказишга асос бўладиган ахборот ёки билдириш юқоридаги буйруқда назарда тутилган оммавий-ахборот воситаларининг хабарлариdir.⁷

Фойдаланилган адабиётлар:

1. <https://arxiv.uz/uz/documents/referatlar/huquqshunoslik/qonunlar-ijrosi-ustidan-prokurornazorati>;
2. <https://proacademy.uz/postfiles/books/mq/rc/index.html>;
3. Ўзбекистон Республикасининг “Прокуратура тўғрисида”ти Қонуни. Тошкент ш, 2001-йил 29-август, 257-II-сон. <https://lex.uz/docs/106197>;
4. Ўзбекистон Республикаси Президентининг “Конституция ва қонун устуворлигини таъминлаш, бу борада жамоатчилик назоратини кучайтириш ҳамда жамиятда хуқукий маданиятни юксалтириш бўйича қўшимча чора-тадбирлар тўғрисида”ти Қарори. Тошкент ш, 2019-йил 13-декабрь, ПҚ-4551-сон. <https://lex.uz/docs/4647329>;
5. Ўзбекистон Республикасининг “Жисмоний ва юридик шахсларнинг мурожаатлари тўғрисида”ти Қонуни. Тошкент ш, 2017-йил 11-сентябр, ЎРҚ-445-сон. <https://lex.uz/docs/3336169>;
6. Ўзбекистон Республикасининг “Оммавий ахборот воситалари тўғрисида”ти Қонуни. Тошкент ш, 2007-йил 15-январ, ЎРҚ-78-сон. <https://lex.uz/docs/1106870>;
7. [file:///C:/Users/user/Downloads/raxmonjon.+Жумаев%20\(1\).pdf](file:///C:/Users/user/Downloads/raxmonjon.+Жумаев%20(1).pdf).

⁷ [file:///C:/Users/user/Downloads/raxmonjon.+Жумаев%20\(1\).pdf](file:///C:/Users/user/Downloads/raxmonjon.+Жумаев%20(1).pdf)